

15
101
PB-1525

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede i
infrastrukture



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне
привреде и инфраструктуре

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27-05-38844-69/19
Sarajevo, 18.12.2019.godine

SKUPŠTINA KANTONA SARAJEVO
Služba za skupštinske poslove
-OVDJE-

PREDMET: Zastupničko pitanje

Zastupnica Bibija Kerla na 14.Radnoj sjednici Skupštine Kantona Sarajevo, održanoj dana 30.10.2019.godine, u okviru tačke "Poslanička pitanja, inicijative i odgovori", a u skladu sa članovima 211 i 214 Poslovnika Skupštine Kantona Sarajevo ("Službene novine Kantona Sarajevo", br.41/12-Drugi novi prečišćeni tekst, 15/13, 47/13, 47/15 i 48/16) postavila je zastupničko pitanje koje glasi:

"Koliko je u toku 2019.godine, koja još traje na području Kantona Sarajevo izrečeno prekršajnih kazni za ekološke prekršaje"?

Obzirom da imamo nezamarljiv broj zelenih policajaca interesuje me da li su oni opravdali svoj rad time što su izricali prekršajne kazne za ekološke prekršaje stanovnika Kantona Sarajevo.

ODGOVOR:

Služba komunalnih redara i kontrole KJKP"Park"d.o.o.Sarajevo i KJKP "Rad"d.o.o.Sarajevo u izvještajnom periodu vršila je redovnu kontrolu održavanja čistoće kao i zaštitu čistoće na javnim površinama, a na osnovu odredaba Zakona o komunalnoj čistoći ("Službene novine Kantona Sarajevo", br.14/16, 43/16, 19/17, 20/18 i 22/19), Zakona o komunalnim djelatnostima ("Službene novine Kantona Sarajevo", br.14/16, 43/16, 10/17, 19/17, 20/18 i 22/19), Uredbe o uređivanju i održavanju zelenih i rekreativnih površina u Kantonu Sarajevo ("Službene novine Kantona Sarajevo, br.22/16 i 30/19), te Odluke o kućnom redu u stambenim zgradama ("Službene novine Kantona Sarajevo", broj 17/08).

Komunalni redari KJKP"Park"d.o.o.Sarajevo koji broje 12 izvršilaca za period od 1.1.2019.godine do 1.11.2019.godine, prosljedili su 1466 prijava na dalji rad Kantonalnoj upravi za inspekcijske



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax:+ 387 (0) 33 562-177
Sarajevo, Reisa Džemaludina Čauševića 1



poslove Kantona Sarajevo Inspektorat urbanističko-građevinske, ekološke, komunalne i stambene inspekcije.

Služba komunalnih redara i kontrole KJKP"Rad"d.o.o.Sarajevo koji broje 35 izvršilaca za period od 1.1.2019.godine do 30.11.2019.godine, vršeći redovne poslove i zadatke imali su 5714 usmenih intervencija i direktnog sprječavanja prljanja javnih površina i kontrolnih pregleda, te na licu mjesta sačinili 2799 zapisnika i službenih zabilješki.

Takođe, u izvještajnom periodu proslijeđena su 2006 zapisnika i službenih zabilješki na dalji rad Kantonalnoj upravi za inspeksijske poslove Kantona Sarajevo i nadležnoj Inspekciji Grada Sarajeva, zbog vođenja postupka po istim, pokretanja prekršajnog postupka, izdavanja prekršajnih naloga, izdavanja rješenja o otklanjanju nedostataka i dr.

Evidentirano je i ukupno 1972 raznih poziva na službeni **EKO TELEFON**, kao i pismenih zahtjeva i dopisa, i svi su blagovremeno obrađeni i proslijeđeni na rad nadležnim službama.

Kantonalna uprava za inspeksijske poslove Kantona Sarajevo, Inspekcija zaštite okoliša u skladu sa gore navedenom važećom zakonskom legislativom u periodu od 1.1.2019.do 30.11.2019.godine, je za prekršaje u oblasti zaštite okoliša izdala 25 prekršajnih naloga u iznosu od 30.500,00KM.

Kantonalna uprava za inspeksijske poslove Kantona Sarajevo, komunalna inspekcija u izvještajnom periodu je izdala 94 prekršajna naloga u iznosu od 20.700,00KM.

Naime, u skladu sa gore navedenim, slijedi da su inspekcija zaštite okoliša i komunalna inspekcija Kantonalne uprave za inspeksijske poslove Kantona Sarajevo u izvještajnom periodu od 1.1.2019.godine do 30.11.2019.godine za ekološke prekršaje izdale ukupno 119 prekršajnih naloga u iznosu od 51.200,00KM.

Takođe, napominju da je u Kantonalnoj upravi za inspeksijske poslove Kantona Sarajevo mali broj izvršilaca u odnosu na broj Službe komunalnih redara KJKP"Rad"d.o.o. Sarajevo i KJKP"Park"d.o.o.Sarajevo koji nisu zakonski ovlaštene da prekršioce na licu mjesta sankcionišu, već shodno odredbama Zakona o komunalnoj čistoći ("Službene novine Kantona Sarajevo, br.14/16, 43/16, 19/17, 20/18 i 22/19) sačinjavaju redarske prijave koje prosljeđuju inspekciji na dalje postupanje.

S poštovanjem,



MINISTAR

████████████████████
mr.sc. Srdan Mandić

Dostaviti:

1. Naslovu
2. Stručna služba Vlade Kantona Sarajevo-na znanje
3. Evidenciji
4. Arhivi



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1

